



Xeev

Cov Kev Taw Qhia thiab Cov Feem Xyuam Xyaw Ntawm Kev Tsis Sib Cais Uas Muaj Kev Ua Tau Zoo

<https://ectacenter.org/topics/inclusion/indicators.asp>

Lub Kaum Ob Hlis Ntuj Tim 15, 2023

Xeev cov kev taw qhia yuav siv lo lus tias "xeev" thoob plaws daim ntawv. Nyob rau xwm txheej feem ntau tsim nyog yuav tau nkag siab qhov no txhawm rau suav nrog cov khoos kas uas cuam tshuam thiab cov cai nyob rau hauv cov chaw uas kav tswj thiab cov pab pawg neeg.

QHOV KEV TAW QHIA S1: Kev Ua Tus Coj Thoob Plaws Txhua Fab Hauj Lawm

Pab pawg ua hauj lwm txog kev ua tus coj thoob plaws txhua fab hauj lwm qib xeev, nrog rau cov kub, siv nqe lus qhia ntawm lub hom phiaj uas tau sib koom, thiab lub phiaj xwm kev tawm tswv yim, thiab tsim cov lus qhia uas txhawb nqa qhov kev tsis sib cais uas ua tau zoo thoob plaws txheej teg kev ua hauj lwm rau cov me nyuam uas tseem yau.

Pawb pawg neeg ua hauj lwm txog kev ua tus coj thoob plaws txhua fab hauj lwm qib xeev:

1. Ceev cia tus qauv uas tau sau ua ntaub ua ntawv rau kev ua tswv cuab thoob plaws txhua fab hauj lwm txhawm rau ua kom ntseeg siab tias muaj tus sawv cev mus dav los ntawm cov feem xyuam uas cuam tshuam, cov khoos kas, thiab cov chaw sawv cev. Cov no suav nrog cov tsev neeg, cov neeg laus uas muaj cov kev xiam oob qhab, Pre-Ks uas nce rau xeev thiab muaj tswv ntiag tug, Head Start, kev saib xyuas me nyuam, kev saib xyuas me nyuam ntawm tsev, kev kawm tshwj xeeb rau cov me nyuam uas tseem yau, kev cuam tshuam thaum tseem ntxov, kev kawm qib uas siab zog, kev noj qab haus huv fab siab ntsws, thiab kev noj qab nyob zoo ntawm me nyuam. Pab pawg neeg ua hauj lwm no saib zoo li yog lub zej zog uas muab kev pab cuam saib raws li haiv neeg, nyiaj khwv tau los, thiab kev muaj peev xwm.
2. Tsim thiab siv cov tswv yim kev nthuav tawm tshwj xeeb rau cov zej zog uas tsis yog neeg tawv dawb, cov zej zog neeg nkag teb chaws, cov zej zog nyob tuaj ntug, thiab lwm yam.
3. Siv cov txheej txheem thiab cov cai rau cov rooj sib tham thiab kev ua kev txiat txim, xws li cov qauv cai rau kev koom nrog, kev qhia hauj lwm thaum xub thawj, thiab cov tswv yim kev muab yam pab kev yooj yim.
4. Muab kev qhia hauj lwm thaum xub thawj thiab cov hwv tsam raws li ib txwm los daws cov teeb meem kev muaj vaj huam sib luag fab haiv neeg thiab txoj hauv kev uas haiv neeg, kev xiam oob qhab, thiab hom lus sib txawv.
5. Tsim kho thiab siv nqe lus ntawm lub hom phiaj thoob plaws txhua fab hauj lwm los pab

cov chaw sawv ce nthuav dav kev tuaj yeem nkag mus siv tau thiab kev koom nrog rau cov me yuam uas muaj cov kev xiam oob qhab nyob rau hauv cov khoos kas thiab cov chaw hauv zos uas tsis sib cais.

6. Tsim kho thiab siv lub phiaj xwm kev tawm tswv yim uas sau ua ntaub ua ntawv uas qhia ua rau pom txog nws nqe lus qhia ntawm lub hom phiaj, thiab tsim los ntawm qhov kev ntsuam xyuas toj roob haus pes tam sim no ntawm lub xeev cov kev pib rau cov me nyuam uas tseem yau. Lub phiaj xwm kev tawm tswv yim tsom kwm cov kev paub dhau los thiab cov teeb meem uas muaj feem cuam tshuam tsis zoo yam uas tsis tsim nyog rau cov me nyuam los ntawm cov zej zog uas raug xam tias tsis tseem ceeb nyob rau hauv keeb kwm thiab nyob rau tam sim no thiab cov cai tshwj xeeb, kev muab peev nyiaj pab, thiab cov hauv kev los daws cov teeb meem ntawd.
7. Tsim cov kev vam thiab ceev kev ruaj ntseg ntawm cov peev txheej rau cov khoos kas hauv zos los siv nqe lus ntawm lub hom phiaj ntawm xeev.
8. Siv cov ntaub ntawv hais txog qhov kev ua tau zoo thiab qhov ntau uas tau muab cais tas li los ceeb toom qhia txog kev siv thiab ntsuam xyuas feem cuam tshuam tsis zoo ntawm lub phiaj xwm kev tsis sib cais uas tawm tswv yim thoob paws txhua fab hauj lwm.
9. Tsim thiab siv lub phiaj xwm kev sib txuas lus thiab kev nthuav tawm los hloov kho dua tshiab cov feem uas cuam tshuam. Cov feem uas cuam tshuam no yog cov uas raug xam tias tsis tseem ceeb nyob rau hauv keeb kwm thiab nyob rau tam sim no xws li cov zej zog neeg nkag teb chaws, cov zej zog uas tsis yog neeg tawv dawb, cov zej zog uas muaj nyiaj khwv tau los tsawg, thiab cov Cov Neeg Kawm Ob Hom Lus (Dual Language Learner, DLL).

QHOV KEV TAW QHIA S2: Txoj Cai los sis Lus Qhia

Xeev cov chaw sawv cev kev saib xyuas thaum tseem ntxov thiab kev kawm (State Early Care And Education, ECE) muaj cov cai thiab cov txheej txheem uas phim uas pab txhawb kev tsis sib cais uas ua tau zoo thiab muaj vaj huam sib luag thiab pov thaiv kev sib cais los ntawm kev xiam oob qhab.

Cov Cai:

1. Pab txhawb qhov kev nrhiav neeg ua hauj lwm ntawm, kev tuaj yeem nkag mus siv rau, thiab kev sau npe cov me nyuam uas muaj cov kev xiam oob qhab nyob rau hauv cov huab cua ib puag ncig uas txhua tus me nyuam yuav muaj kev koom nrog raws li ib txwm muaj.
2. Txhawb nqa kev muab kev pab cuam rau cov me nyuam uas muaj kev xiam oob qhab nyob rau hauv cov huab cua ib puag ncig uas txhua tus me nyuam yuav koom raws li ib txwm muaj.
3. Daws teeb meem thiab pab txhawb kev sib koom tes ua hauj lwm thoob plaws txhua fab hauj lwm ntawm cov chaw sawv cev thiab cov khoos kas hauv zos, uas suav nrog tso lub chaw sawv cev kev kawm ntawm xeev (State Educational Agency, SEA) thiab lub chaw sawv cev kev kawm hauv zos (Local Educational Agency, LEA) cov cai rau qhov kom phim.
4. Suav nrog hom lus uas pab txhawb kev ua tswv thiab cov kev paub uas meej thiab cov kev pom txiaj ntsig rau ntau cov kev paub dhau los ntawm cov me nyuam uas muaj cov kev xiam oob qhab thiab lawv cov tsev neeg.
5. Ua kom ntseeg siab tias txhua cov kev ntsuam xyuas kev xav tau ntawm xeev los sis ntawm pab pawg neeg thoob plaws cov txheej teg kev ua hauj lwm ECE suav nrog cov

ntaub ntawv hais txog tsev neeg cov yam uas ua tau zoo, cov kev xav tau, peev nyiaj txiag fab zej tsoom, kev koom nrog, thiab kev tawm suab.

6. Tau txais kev ceeb toom qhia paub los ntawm cov ntaub ntawv uas tau cuam tshuam rau kev tsis sib cais.
7. Tau txais kev pab txhawb los ntawm cov txheej txheem los sis cov lus qhia uas los nrog hais txog txoj hauv kev siv txoj cai.
8. Tuav cia cov khoos kas hauv zos uas muaj kev lav ris rau kev coj qhov kev tsis sib cais uas ua tau zoo mus siv.

QHOV KEV TAW QHIA S3: Tsev Neeg Li Kev Koom Tes Nrog

Xeev cov chaw sawv cev ECE koom tes nrog rau cov tsev neeg thaum ua kev tsim kho, kev coj mus siv, thiab kev ntsuam xyuas cov cai thiab cov kev pib uas pab txhawb kev tsis sib cais.

Cov Chaw Sawv Cev:

1. Muab cov hwv tsam kev tuaj yeem nkag mus siv tau rau cov tsev neeg los siv lawv cov kev paub thiab cov kev txawj nyob rau hauv kev tsim kho, kev coj mus siv, thiab kev ntsuam xyuas cov cai thiab cov kev pib kev tsis sib cais. Qhov no yog siv tshwj xeeb rau cov tsev neeg uas los ntawm cov zej zog uas raug xam tias tsis tseem ceeb nyob rau hauv keeb kwm thiab nyob rau tam sim no, cov zej zog neeg nkag teb chaws, cov zej zog uas hais lwm hom lus uas tsis yog Lus As Kiv, cov zej zog nyob tuaj ntug, thiab cov neeg laus uas muaj cov kev xiam oob qhab.
2. Muab kev pab txhawb fab nyiaj txiag, cov quav, thiab cov peev txheej uas pab ua rau txhua tsev neeg koom tau nrog cov kev ua ub ua no zoo. Qhov no suav nrog cov sij hawm rooj sib tham uas tuaj yeem hloov pauv tau, kev saib xyuas me nyuam, thiab cov nqi kev thauj mus los.
3. Ua kom ntseeg siab tias tuaj yeem nkag mus siv tau cov ntaub ntawv thiab cov peev txheej yam uas muaj vaj huam sib luag los ntawm kev siv cov kev pab cuam txhais lus ua ntaub ntawv thiab txhais lus ntawm ncauj, ntau cov quav kev sib txaus lus (piv txwv, sau ua ntaub ua ntawv los sis ua duab), thiab hom lus uas nkag siab yooj yim.
4. Siv "cov neeg sawv cev rau fab kab lig kev cai los sis lus" (piv txwv, cov tib neeg los ntawm cov tsev neeg uas kab lig kev cai los sis hom lus zoo ib yam nkaus) los nrhiav neeg ua hauj lwm thiab txhawb nqa cov tsev neeg thoob plaws txheej txheem kev qhia tus kheej, kev muab tso rau hauv qhov chaw, thiab kev muab kev pab cuam.
5. Tsim cov txheej txheem kom raug raws cai rau kev suav nrog cov tsev neeg nyob rau txhua - txhua theem ntawm kev tsim kho cov kev pib kev tsis sib cais.
6. Ua kom ntseeg siab tias txhua cov kev ntsuam xyuas kev xav tau ntawm xeev thoob plaws txheej teg kev ua hauj lwm ECE suav nrog cov ntaub ntawv hais txog tsev neeg cov yam uas ua tau zoo, cov kev xav tau, peev nyiaj txiag fab zej tsoom, kev koom nrog, thiab kev tawm suab.
7. Tsim cov pab pawg neeg ua hauj lwm txog ntau yam kev paub uas suav nrog cov neeg sawv cev fab kab lig kev cai thiab pab lawv txhawb nqa cov tsev neeg thiab cov me nyuam nyob rau hauv cov hauv kev uas pab txhawb rau fab kab lig kev cai thiab kev tsim kev ruaj kho.

QHOV KEV TAW QHIA S4: Kev Lav Ris, Ntaub Ntawv, Kev Siv Cov Txheej Teg Kev Ua Hauj Lwm Lav Txog Qhov Ua Tau Zoo Yam Tsis Tu Ncua

Xeev cov chaw sawv cev xav kom thiab tshawb nqa cov khoos kas hauv zos txheeb sau thiab siv cov ntaub ntawv uas tau muab faib (piv txwv, haiv neeg, kev xiam oob qhab, nyiaj khvw tau los, hom lus) los ntsuam xyuas thiab txiav txim cov yam tsim kev tab kaum rau kev tsis sib cais (piv txwv, kev ntxub ntxaug neeg xiam oob qhab, cov yam tsim kev tab kaum rau txoj cai los sis fab nyiaj txiag uas tau paub, kev tu ncua kev koom nrog chaw ua hauj lwm thiab kev tsim kho hauj lwm, thiab cov kev pab cuam thiab cov txheej teg kev ua hauj lwm uas tsis muaj kev txuas lus).

Cov Chaw Sawv Cev:

1. Siv cov ntaub ntawv los ntawm qhov txheej txheem kev lav txog qhov ua tau zoo los tsim kho thiab ceeb toom qhia cov hom phiaj nyob rau hauv Pab Pawg Neeg Ua Hauj Lwm Txog Kev Ua Tus Coj Thoob Plaws Txhua Fab Hauj Lawm Qib Xeev (State Level Cross-Sector Leadership Team) lub phiaj xwm kev tawm tswv yim.
2. Siv cov ntaub ntawv los ntawm qhov txheej txheem kev lav txog qhov ua tau zoo los txiav txim lub hauv paus thiab teeb tseg cov qauv cai los ua kom tau raws li cov hom phiaj nyob rau hauv Pab Pawg Neeg Ua Hauj Lwm Txog Kev Ua Tus Coj Thoob Plaws Txhua Fab Hauj Lawm Qib Xeev lub phiaj xwm kev tawm tswv yim.
3. Siv cov ntaub ntawv los taug qab xyuas kev nce qib rau cov hom phiaj nyob rau hauv Pab Pawg Neeg Ua Hauj Lwm Txog Kev Ua Tus Coj Thoob Plaws Txhua Fab Hauj Lawm Qib Xeev lub phiaj xwm kev tawm tswv yim.
4. Muab cov ntaub ntawv rau cov feem uas cuam tshuam ua cov qauv uas yooj yim rau tus neeg siv uas qhia ua rau pom txog cov kev nce qib rau Pab Pawg Neeg Ua Hauj Lwm Txog Kev Ua Tus Coj Thoob Plaws Txhua Fab Hauj Lawm Qib Xeev cov hom phiaj uas cuam tshuam rau cov qauv cai.
5. Hais kom cov xeev taug qab xyuas cov ntaub ntawv kev tsis sib cais qib hauv cheeb tsam uas tau muab cais raws li haiv neeg, hom lus, nyiaj khvw tau los thiab kev xiam oob qhab. Dhau li no lawm cov ntaub ntawv los kuj tsim nyog muaj rau kev tshab xyuas kev sib txawv (piv txwv, cov me nyuam Neeg Mes Kas Es Xias uas muaj kev raug mob rau paj hlwb uas hais lus Hmoob los sis cov me nyuam Neeg Tawv Dawb uas muaj kev loj hlob paub tab tsis zoo li ib txwm).
6. Muab kev tso cai rau cov kev tshab xyuas raws ncua sij hawm ntawm IEP Cov Pab Pawg Neeg Ua Hauj Lwm (IEP Team) cov kev txiav txim hais txog kev muab tso kawm thiab cov kev pab cuam uas tau muab.
7. Tsim kho thiab yuam siv cov cai hais txog cov kev cai teeb tseg rau kev tshaj tawm ntaub ntawv, tshwj xeeb tshaj yog kev tshaj tawm cov ntaub ntawv uas tau muab cais.
8. Pab cov khoos kas hauv zos siv cov ntaub ntawv kev nce qib los txhim kho kev ua kev txiav tsim siab.
9. Ua kom ntseeg siab tias cov kev txhawb nqa Kev Pab Fab Tev Niv (Technical Assistance, TA) tau tsom kwm rau txhua cov ntaub ntawv:
 - Siv cov ntaub ntawv uas tau muab cais.
 - Qhia kom pom txog t xo hauv kev xam uas tsis tsim nyog.

- Ntaus nqi cov ntaub ntawv los ceeb toom qhia txog kev tsim kho hauj lwm thiab kev hloov pauv cai.

QHOV KEV TAW QHIA S5: Peev Nyiaj Pab

Xeev cov chaw sawv cev ECE siv cov tswv yim thoob plaws txhua fab hauj lwm yam tsis tu ncua los txuas lus thiab siv cov peev nyiaj pab thiab cov peev txheej hauv zos kom muaj txiaj ntsig yam uas muaj vaj huam sib luag txhawm rau muab qhov kev tsis sib cais uas muaj kev ua tau zoo.

Cov Chaw Sawv Cev:

1. Ua kom ntseeg siab tias muaj cov cai uas txhawb nqa kev txuas lus txog cov peev txheej thoob plaws cov chaw sawv cev thiab cov khoos kas.
2. Txiaj txim txoj hauv kev siv cov peev nyiaj pab kom muaj txiaj ntsig tshaj plaws los ntawm los ntawm cov chaw muaj peev nyiaj pab uas sib txawv.
3. Tso cai rau qhov kev sau ua ke cov peev nyiaj pab los ntawm cov khoos kas ntawm xeev thiab hauv zos, thaum phim.
4. Txiaj txim cov tswv yim rau kev siv cov peev nyiaj thiab cov peev txheej kom muaj txiaj ntsig nyob rau qib xeev thiab hauv zos.
5. Sau cov lus qhia rau cov khoos kas hauv zos hais txog kev sau ua ke thiab kev txuas lus txog cov peev txheej uas siv cov cai, cov kev cai, thiab cov cai teeb tseg.
6. Kuaj xyuas thiab ntsuam xyuas qhov kev siv tau zoo ntawm kev sau ua ke thiab kev txuas lus txog cov peev nyiaj pab.

QHOV KEV TAW QHIA S6: Xeev Cov Qauv Cai los sis Cov Lus Qhia Rau Kev Kawm Paub Thaum Tseem Ntxov

Xeev cov qauv cai los sis cov lus qhia rau kev kawm paub thaum tseem ntxov rau cov kev vam fab kev tsim kho ntawm cov me nyuam uas suav nrog cov tswv yim tshwj xeeb thiab cov kev hloov kho kom phim los txhawb nqa cov kev xav tau ntawm cov me nyuam uas muaj cov kev xiam oob qhab.

Xeev cov qauv cai los sis cov lus qhia rau kev kawm paub thaum tseem ntxov:

1. Muab kev qhia tshwj xeeb kom siv cov kev xyaum uas saib raws pov thawj (Evidence-Based Practice, EBP) thiab cov khoos kas pab txhawb kev tsim kho (Developmental Advocacy Program, DAP) txhawm rau kom ua tau raws li cov kev xav tau fab kev kawm paub thiab kev tsim kho ntawm cov me nyuam uas muaj cov kev xiam oob qhab, ua suav nrog txhua cov kev ua hauj lwm (piv txwv, kev txav mus los thoob plaws los sis kev sib txuas lus).
2. Daws teeb meem txog txoj hauv kev tsim kho ntawm cov me nyuam uas muaj kev xiam oob qhab uas muaj cov kev qhia txog tus kheej sib txawv, tshwj xeeb tshaj yog cov me nyuam uas yog cov neeg kawm ob hom lus (DLL).
3. Xeev cov chaw sawv cev tau muab teeb tseg ua kev taw qhia txoj hauv kev rau cov khoos kas hauv zos nyob rau hauv kev tsim kho tus qauv kawm thiab kev qhia kawm rau cov me nyuam uas muaj kev xiam oob qhab.
4. Raug suav nrog rau hauv xeev cov chaw sawv cev li kev cob qhia thiab kev pab fab tev niv (TA)
5. Xeev cov chaw sawv cev tau muab teeb tseg ua kev taw qhia txoj hauv kev rau cov

khoos kas hauv zos nyob rau hauv kev tsim kho tus qauv kawm thiab kev qhia kawm rau cov me nyuam uas muaj kev xiam oob qhab.

6. Txhawb nqa qhov kev loj hlob paub tab ntawm cov me nyuam uas muaj cov kev xiam oob qhab los sis cov kev loj hlob paub tab qeeb uas cuam tshuam rau keeb kwm kev raug mob ntiag tug los sis kev raug mob ntawm ib phaum neeg rau ib phaum neeg (piv txwv, kev ntxov siab uas ua kuab tshuaj lom, los sis kev cais tawm ntawm tus neeg muab kev saib xyuas).
7. Raug ntsuam xyuas ua ib feem ntawm xeev cov chaw sawv cev txheej teg kev ua hauj lwm txog kev lav ris txhawm rau los muab cov lus qhia txog txoj hauv kev txhawb nqa cov me nyuam uas muaj cov kev xiam oob qhab nyob rau hauv cov chaw tsis sib cais.

QHOV KEV TAW QHIA S7: Xeev Cov Qauv Cai Khoos Kas

Xeev cov chaw sawv cev ECE muaj cov qauv cai rau kev ntsuas khoos kas qhov kev ua tau zoo uas muaj cov txheej txheem thiab cov kev xyaum rau kev suav nrog cov me nyuam uas muaj kev xiam oob qhab nyob rau hauv cov khoos kas ECE hauv zos.

Xeev cov qauv cai khoos kas:

1. Muab lub ntsiab lus txhais ntawm kev tsis sib cais uas ua tau zoo.
2. Suav nrog cov qauv cai rau kev tsis sib cais uas ua tau zoo nyob rau hauv xeev cov txheej txheem kev muab qib rau qhov kev ua tau zoo los sis lwm cov txheej txheem kev lav txog qhov kev ua tau zoo.
3. Faus tseg cov khoom siv uas ntsuas kev tsis sib cais uas ua tau zoo nyob rau hauv cov qauv pab txhawb kev ua hauj lwm thiab cov txheej teg kev ua hauj lwm txog qhov kev ua tau zoo rau cov me nyuam uas tseem yau raws li ncua dav.
4. Pab txhawb kev nqis peev cob qhia cov khoos kas hauv zos hais txog cov kev ntsuam xyuas fab huab cua ib puag ncig thiab cov cuab yeej uas ntsuas qhov ua tau zoo ntawm kev tsis sib cais tshwj xeeb xws li Ntaub Ntawv Qhia Txog Keeb Kwm Ntawm Chav Kawm Tsis Sib Cais (Inclusive Classroom Profile, ICP), Kev Saib Xyuas Thaum Tseem Ntxov thiab Huab Cua Ib Puag Ncig Ntawm Kev Kawm (Early Care and Education Environment, ECEE) Cov Kev Taw Qhia Txog Kev Tsis Sib Cais (Indicators of Inclusion), thiab SpeciaLink Li Kev Luj Xyuas Qhov Kev Ua Tau Zoo Ntawm Kev Tsis Sib Cais Ntawm Cov Me Nyuam Tseem Yau (SpeciaLink Early Childhood Inclusion Quality Scale).
5. Tuav cia cov cheeb tsam los sis cov chaw sawv cev kev kawm hauv zos qhov kev lav ris rau kev muab kev tuaj yeem nkag mus siv tau cov huab cua ib puag ncig kev kawm paub txog kev tsis sib cais rau cov me nyuam uas muaj cov kev xiam oob qhab.
6. Suav nrog qhov kev taw qhia tshwj xeeb ntawm qhov kev ua tau zoo rau cov DLL uas muaj cov kev xiam oob qhab txhawm rau ua kom ntseeg siab tias lawv tau txais kev txhawb nqa rau lawv cov kev xav tau fab kev tsim kho, nyob rau tib lub sij hawm ntawd kuj tseem tau txais kev qhia kawm uas pab txhawb lawv li kev tsim kho Lus As Kiv thiab thawj hom lus hais.
7. Tsim kev tsis sib cais ua lub khoos kas Pre-K tus qauv cai uas yuav tsum tau muaj nyob rau hauv qib xeev.
8. Siv cov feem xyuam ib txwm muaj ntawm lub cev los ua kev taw qhia txoj hauv kev rau kev tsis sib cais. Qhov no txhais tias yog kev suav nrog cov me nyuam uas muaj cov kev xiam

oob qhab nyob rau hauv cov feem xyuam uas qhia tshwm ntawm lawv nyob rau hauv pej xeem neeg raws li ncua dav, yam uas tsis muaj ciamb txwv los sis kev txwv txog qhov ntau uas tau txais kev tso cai los sau npe los sis tau txais kev pab cuam.

QHOV KEV TAW QHIA S8: Kev Muab Cov Peev Txheej Los Txhawb Nqa Cov Neeg Ua Hauj Lwm

Xeev cov chaw sawv cev ECE muab TA tshwj xeeb thiab cov kev pab cuam kev sab laj yam uas txaus nkaus los txhawb nqa cov khoos kas hauv zos nyob rau hauv kev cov kev xyaum tsis sib cais.

Cov Chaw Sawv Cev:

1. Muab peevev nyiaj pab yam uas txaus nkaus rau cov khoos kas hauv zos rau cov khoos kas saib xyuas me nyuam thiab TA qib xeev thiab hauv zos txhawm rau ua kom ntseeg siab tias muaj kev txhawb nqa kev tsis sib cais uas ua tau zoo thiab cov kev pab cuam kev sab laj.
2. Muab kev tuaj yeem nkag mus siv tau TA tshwj xeeb thiab cov kev pab cuam kev sab laj thiab cov peevev txheej fab nyiaj txiag thiab fab ntaub ntawv txhab ntxiv rau cov zej zog uas tu ncua kev tau txais peevev nyiaj pab thiab tu ncua kev tau txais kev txhawb nqa nyob rau hauv keeb kwm thiab tshwm sim ua ntu zus los.
3. Tawm phiaj xwm thiab muab TA uas siv khoos kas hauv zos cov ntaub ntawv ntsuam xyuas tus kheej uas suav nrog cov ntaub ntawv uas tau cuam tshuam rau kev tuaj yeem nkag mus siv tau yam uas tsis muaj vaj huam sib luag thiab cov kev paub dhau los nyob rau hauv kev cuam tshuam thaum tseem ntxov (Early Intervention, EI) thiab kev kawm tshwj xeeb ua ntej kawm ntawm, thiab cov kev sib txawv nyob rau hauv cov tshwm sim tawm los.
4. Muab kev txhawb zog los txhawb nqa lub khoos kas hauv zos li kev siv TA (piv txwv, TA yam tsis xam nqi thiab phim rau hauv zos, cov nyiaj nqi ua hauj lwm rau cov kws muab kev pab cuam uas koom nrog rau qhov TA, cov peevev nyiaj pab los nqis peevev nyob rau hauv TA txhawm rau them rau cov kws sab laj, los sis yuav cov ntaub ntawv kev tsim kho hauj lwm)
5. Ntsuam xyuas qhov kev siv tau zoo ntawm qhov TA thiab cov kev pab cuam kev sab laj:
 - Thoob plaws cov tshwm sim tawm los qib kws muab kev pab cuam thiab me nyuam.
 - Tau muab cais raws li haiv neeg, hom lus, thaj chaw, nyiaj khvw tau los thiab kev xiam oob qhab.
 - Los ntawm kev suav nrog qhov kev tuaj yeem nkag mus siv tau yam uas muaj vaj huam sib luag rau hauv cov kev pab cuam thiab cov kev txhawb nqa rau cov khoos kas uas cov neeg los ntawm cov zej zog uas raug xam tias tseem ceeb nyob rau hauv keeb kwm thiab nyob rau tam sim no ua tus muab kev pab cuam los sis ua tus coj.
6. Tsim kev muaj peevev xwm ntawm cov khoos kas hauv zos los siv TA thiab cov kev pab cuam kev sab laj rau kev ua hauj lwm nyob rau hauv lawv cov khoos kas thiab cov chaw.
7. Siv ntau cov qauv, uas suav nrog cov kev ua ub ua no nyob rau hauv qhov chaw, txhawm rau tsim kev muaj peevev xwm ntawm cov khoos kas hauv zos los siv cov EBP.

QHOV KEV TAW QHIA S9: Kev Txuas Lus Cov Peev Txheej Kev Tsim Kho Hauj Lwm

Xeev cov chaw sawv cev ECE siv txoj hauv kev thoob plaws txhua fab hauj lwm los txuas lus txog kev tsim kho hauj lwm uas saib raws li pov thawj txhawm rau tsim cov neeg ua hauj lwm lub peev xwm los muab cov khoos kas tsis sib cais uas ua tau zoo. Cov neeg ua hauj lwm suav nrog cov kws muab kev pab cuam saib xyuas me nyuam, Head Start, thiab cov kws muab kev pab cuam Pre-k ntawm zej tsoom thiab cov neeg muab kev pab, cov neeg muab kev cuam tshuam thaum tseem ntxov, cov kws qhia ntawv tshwj xeeb, cov kev muab kev pab cuam uas tau cuam tshuam, thiab cov thawj tswj hwm.

Cov Chaw Sawv Cev:

1. Ua kom ntseeg siab tias cov cai muab kev tso cai rau kev tsim kho hauj lwm thoob plaws txhua fab hauj lwm uas muaj kev txuas lus.
2. Txheeb xyuas thiab txuas lus txog cov chaw muaj peev nyiaj pab thiab cov peev txheej rau kev tsim kho hauj lwm thoob plaws txhua fab hauj lwm.
3. Siv qhov kev paub raws li ncua dav, hom lus, thiab kev muaj peev xwm theem pib rau txhua tus neeg ua hauj lwm thoob plaws txhua fab hauj lwm, uas muaj lub chaw hauj lwm nyob rau ntawm kev qhia kawm uas phim rau kev tsim kho, cov kev xyaum tsis sib cais, thiab qhov kev nkag siab txog kev tsis ncaj ncees thiab kev ntxub ntxaug haiv neeg nyob rau hauv cov chaw ECE.
4. Ua kom ntseeg siab tias muaj kev tuaj yeem nkag mus siv tau cov hwv tsam kev tsim kho hauj lwm thoob plaws txhua fab hauj lwm nyob rau hauv cov kev xyaum tsis sib cais uas saib raws phov thawj.
5. Txuas lus txog kev tuaj yeem nkag mus siv tau cov kws cob qhia fab kev qhia kawm, cov neeg uas muaj kev paub ntau, los sis cov kws sab laj (piv txwv, Kev Sab Laj Txog Kev Noj Qab Haus Huv Fab Siab Ntsws Rau Cov Me Nyuam Uas Tseem Yaus (Early Childhood Mental Health Consultation, ECMHC)) rau cov khoos kas hauv zos uas tau tsom kwm rau kev tsis sib cais.
6. Muab cov ntaub ntawv txog kev ntsuam xyuas fab huab cua ib puag ncig thiab cov cuab yeej rau cov khoos kas hauv zos uas muab kev ntsuam xyuas tshwj xeeb rau qhov kev ua tau zoo ntawm kev tsis ib cais nyob rau cov hauv kev uas tuaj yeem nkag mus siv tau yooj yim (piv txwv, raws li hom lus, qib kev nyeem ntawv) thiab tau hloov kho kom phim rau ntau feem uas cuam tshuam (piv txwv, cov kws qhia ntawv, cov neeg kho mob, cov thawj tswj hwm, los sis cov tsev neeg los ntawm ntau cov zej zog).
7. Ntsuam xyuas seb txoj hauv kev thoob plaws txhua fab hauj lwm thiab kev txuas lus txog kev tsim kho hauj lwm muaj feem cuam tshuam tsis zoo li cas rau lub khoos kas hauv zos li kev muaj peev xwm rau kev tsis sib cais uas ua tau zoo los ntawm:
 - Feem xyuam xyaw ntawm cov pab pawg neeg ua hauj lwm txog kev muaj cai tau txais thiab kev pab cuam.
 - Ncua sij hawm, kev tsom kwm thiab cov ncauj lus ntawm kev tsim kho hauj lwm.
 - Cov sij hawm rooj sib tham los sab laj txog cov me nyuam cov kev xav tau.

QHOV KEV TAW QHIA S10: EC Cov Qauv Cai Neeg Ua Hauj Lwm, Kev Ua Pov Thawj Kev Lees Paub, thiab Kev Tawm Ntawv Tso Cai

Xeev cov chaw sawv cev ECE cov qauv cai neeg ua hauj lwm, cov kev lees paub, cov kev ua pov thawj, thiab cov cai teeb tseg rau kev tawm ntawv tso cai suav nrog cov kev muaj peev xwm txhawb nqa cov me nyuam uas muaj cov kev xiam oob qhab thiab lawv cov tsev neeg thiab kev tsim ua kom muaj kev vam meej rau kev muaj vaj huam sib luag.

Cov Chaw Sawv Cev:

1. Ua qhov kev tshab xyuas raws ncua sij hawm ntawm cov ntsiab lus uas cuam tshuam thiab siv cov qauv cai neeg ua hauj lwm uas muaj kev siv tau zoo.
2. Siv cov kev sab laj nrog rau ntau cov kws muab kev saib xyuas, cov neeg laus uas muaj cov kev xiam oob qhab, cov kws muab kev pab cuam, thiab cov kws tshwj xeeb txog kev muaj vaj huam sib luag los ceeb toom qhia kev tsim kho cov qauv cai.
3. Ua hauj lwm nrog rau cov chaw kawm qib siab zog (Institutes of Higher Education, IHEs) los npaj tus qauv kawm thiab xeev cov qauv cai kom phim rau tus qauv kev tawm ntawv tso cai, kev ua pov thawj, thiab kev lees paub.
4. Ua kom ntseeg siab tias cov cai kev tawm ntawv tso cai daws tau cov teeb meem kev muab EI, kev kawm tshwj xeeb, thiab lwm cov kev pab cuam tshwj xeeb nyob rau hauv ECE cov huab cua ib puag ncig.
5. Pab txhawb xeev cov qauv cai neeg ua hauj lwm uas saib raws li cov kev paub thiab cov kev txawj uas yuav tsum tau muaj rau kev ua hauj lwm nrog rau ntau cov me nyuam hluas thiab lawv cov tsev neeg nyob rau fab kab lig kev cai thiab hom lus hais, uas suav nrog cov me nyuam uas muaj cov kev xiam oob qhab uas yog cov DLL, nyob rau hauv cov txheej teg kev ua hauj lwm rau cov me nyuam uas tseem yau thoob plaws txhua fab hauj lwm.
6. Ua kom ntseeg siab tias cov kev xyaum tsis sib cais uas zoo tshaj plaws yog raug faus tseg rau hauv daim ntawv tso cai los sis cov ntaub ntawv pov thawj kev nkag mus qib xeev lawm.
7. Ua kom ntseeg siab tias muaj cov cai teeb tseg rau kev kawm txuas mus ntxiv thiab cov kev txuas sij hawm ntawv tso cai uas tsom kwm rau cov me nyuam uas tsis yog neeg tawv dawb, thiab cov DLL uas muaj cov kev xiam oob qhab.

QHOV KEV TAW QHIA S11: Kev Kawm Ua Ntej Muab Kev Pab Cuam thiab Npaj Txhij Ntawm Neeg Ua Hauj Lwm

Cov chaw kawm qib siab zog (IHE) xav kom muaj cov qauv kawm thiab kev xyaum tshwj xeeb uas npaj cov neeg ua hauj lwm ECE los ua cov kev xyaum tsis sib cais txhawm rau ua kom cov me nyuam uas muaj cov kev xiam oob qhab thiab lawv cov tsev neeg xav los koom nrog.

Cov chaw sawv cev koom tes nrog cov IHE txhawm rau:

1. Ua hauj lwm nrog rau cov khoos kas hauv zos los muab cov hhw tsam kev kawm paub ua ntej muab kev pab cuam rau cov chaw saib xyuas me nyuam tsis muaj kev sib cais, Pre-K, thiab Head Start, nrog rau cov me nyuam uas muaj ntaw cov kev qhia tus kheej thiab cov kev xiam oob qhab.
2. Suav nrog cov kev muaj peev xwm nyob rau hauv kev sib koom tes ua hauj lwm thiab kev ua hauj lwm ua pab pawg nyob rau hauv cov qauv kawm thiab kev xyaum.
3. Suav nrog lub ntsiab lus hais txog kev tsim kho thiab kev txhawb nqa tsev neeg cov kev koom tes nrog nyob rau hauv cov qauv kawm thiab kev xyaum.
4. Suav nrog lub ntsiab lus hais txog kev muaj vaj huam sib luag, kev tsis ncaj ncees, thiab kev ntxub ntxaug raws haiv neeg, thiab seb lawv muaj kev sib txawv li cas nrog rau kev xiam oob qhab nyob rau hauv cov qauv kawm thiab kev xyaum.
5. Ua kom ntseeg siab tias cov qauv kawm thiab kev xyaum qhia ua rau pom txog thiab phim rau lub koom haum thiab pab pawg koom tes hauv teb chaws cov qauv cai ntawm kev xyaum.
6. Ua kom ntseeg siab tias cov qauv kawm thiab kev xyaum muaj kev sib txawv yam uas pom tseeb nyob rau hauv kev siv cov kev ua qauv qhia txog cov kev xiam oob qhab nyob rau fab kev kho mob thiab fab zej tsoom thiab muab cov lus qhia uas ua kom ntseeg siab tias cov kev xam pom ntawm cov tib neeg uas muaj kev xiam oob qhab, tshwj xeeb yog cov me nyuam uas tsis yog neeg tawv dawb thiab lawv cov tsev neeg, raug suav nrog.
7. Tshab xyuas qhov kev siv tau zoo ntawm cov ntsiab lus tus qauv kawm thiab cov kev paub dhau los ntawm kev xyaum raws ncua sij hawm txhawm rau ua kom ntseeg siab tias muaj kev hais txog kev tsim kho kev txawj thiab cov kev muaj peev xwm uas pab txhawb qhov kev tsis sib cais uas muaj kev ua tau zoo.

QHOV KEV TAW QHIA S12: Zej Tsoom Li Kev Lees Paub

Xeev cov chaw sawv cev ECE siv cov tswv yim kev lees paub ntawm zej tsoom yam tsis tu ncua hais txog kev tawm tsam kev txub ntxaug neeg xiam oob qhab thiab cov hauv paus cai lij choj thiab cov txiaj ntsig ntawm kev tsis sib cais uas teeb hom phiaj rau ntawm cov neeg saib, uas suav nrog cov tsev neeg uas muaj keeb kwm los ntawm haiv neeg, tsav neeg, thiab hom lus uas sib txawv.

Cov Chaw Sawv Cev:

1. Sib koom tsim cov ntaub ntawv kev lees paub ntawm zej tsoom nrog rau lwm cov chaw sawv cev thiab cov coj hauv lub zej zog nyob rau hauv pab pawg neeg ntawm lub hom phiaj uas pab txhawb cov txiaj ntsig thiab lub hauv paus kev cai lij choj ntawm kev tsis sib cais.
2. Siv cov ntaub ntawv uas tsis raug raws cai thiab raug raws cai los txheeb xyuas cov yeeb yam thiab cov kev ntseeg uas yog cov yam tsim kev tab kaum rau kev tsis sib cais.
3. Daws teeb meem txog xwm txheej ib ncig ntawm xeev thiab cov ntsiab lus uas tau cuam tshuam rau cov kev cai lij choj, cov yeeb yam thiab cov kev tseeg, thiab cov txiaj ntsig ntawm kev tsis sib cais nyob rau hauv lub phiaj xwm kev lees paub ntawm zej tsoom.
4. Ua kom ntseeg siab tias cov ntaub ntawv yog muaj ua yam tsawg plaub hom lus uas nyiam siv tshaj plaws ntawm xeev, uas suav nrog Lus As Kiv, thiab tuaj yeem nkag mus siv tau nyob rau hauv ntawm tus qauv (piv txwv, sau ua ntaub ua ntawv los sis ua duab).
5. Ceev kev ruaj ntseg ntawm cov peev txheej fab nyiaj txiag txhawm rau siv lub phiaj xwm kev lees paub ntawm zej tsoom.
6. Siv thiab ntsuam xyuas qhov kev siv tau zoo ntawm lub phiaj xwm kev lees paub ntawm zej tsoom, uas suav nrog cov kev siv tau zoo nyob rau hauv ntawm lub zej zog uas tsis yog neeg tawv dawb, cov zej zog uas muaj nyiaj khwv tau los tsawg, cov zej zog nyob tuaj ntug, thiab cov zej zog uas raug xam tias tsis tseem ceeb nyob rau hauv keeb kwm thiab tam sim no.

Lub chaw muaj ntaub ntawv uas tau qhia:

Lub Chaw Hauj Lwm Txog Kev Pab Fab Tev Niv Rau Cov Me Nyuam Tseem Yau (Early Childhood Technical Assistance Center), thiab Lub Chaw Hauj Lwm Hauj Teb Chaws rau Cov Kev Tsim Kho Tshiab Qauv Pis Las Miv (National Center for Pyramid Model Innovations) (2023). Cov Kev Taw Qhia Kev Tsis Sib Cais Uas Muaj Kev Ua Tau Zoo (*Indicators of High-Quality Inclusion*). Tau rub rov qab los ntawm <https://ectacenter.org/topics/inclusion/indicators.asp>

Cov ntsiab lus ntawm nplooj no yog tau tsim raws li cov kev cog lus kev sib koom tes #H326P220002 (Lub Chaw Hauj Lwm ECTA) thiab #H326B220002 (NCPMI), los ntawm

Lub Chaw Ua Hauj Lwm txog Cov Khoos Kas Kev Kawm Ntawv Tshwj Xeeb (Office of Special Education Programs), Teb Chaws Mes Kas Lub Tuam Tsev Hauj Lwm Ntsig Txog Kev Kawm (U.S. Department of Education).

Txawm li cas los, cov ntsiab lus no tsis tas yuav hais txog txoj cai ntawm Teb Chaws Mes Kas Lub Tuam Tsev Hauj Lwm Ntsig Txog Kev Kawm, thiab koj tsis tsim nyog tau txais kev pom zoo los ntawm Tsoom Fww Teb Chaws (Federal Government).



Office of Special Education Programs
U.S. Department of Education

